

禮

記

訓

纂

禮記訓纂卷四

檀弓下第四

鄭目錄云義同前篇以簡策繁多故分爲上下二卷

君之適長殤車三乘公之庶長殤車一乘大夫之適長殤

車一乘

注皆下成人也自上而下降殺以兩成人遣車五乘長殤三乘下殤一乘尊卑以此差之庶子言公

卑遠之傳曰大功之殤中從上正義君者五等諸侯公亦諸侯也葬柩朝廟畢將行設遣奠竟取遣奠牲體臂臠折之爲段用此車載之以遣送亡者故謂之遣車但遣車之數貴賤不同諸侯七乘其適子成人五乘長殤三乘中則從上若下殤則一乘也大夫自得五乘適子成人三乘長殤降二故一乘也中殤從上亦一乘○適丁歷反長丁丈反

公之喪諸達官之長杖

注謂君所命雖有官職不達於君則不服斬正義公者五等諸侯也

達官謂國之卿大夫士被君命者也不達於君謂府史之屬也賤不被命是不達於君也但服齊衰三月若近臣闕寺之屬雖無爵命嗣君服斬則亦服斬但降其帶屨用布帶繩屨耳

君於大夫將葬弔於宮及出命引之三步則止

注以美奪孝子宮殯

宮出謂柩已在路

如是者三君退

注退去也三命引之凡移九步

朝亦如之哀次

亦如之

注君弔不必於宮朝喪朝廟也次他日賓客所受大門外舍也孝子至此而哀君或於是弔焉止義

君或來弔參差早晚不必恒在殯宮或當朝廟明日將發之時君弔或晚不及朝廟之時柩出大門至平生待賓客次舍之處君於是始弔畢君命引之使行如上來之事

五十無車者不越疆而弔人

注氣力始衰

季武子寢疾，嬖固不說齊衰而入，見曰：「斯道也將亡矣！」士

唯公門說齊衰。

注：季武子魯大夫，季孫夙也。世爲上卿，強且專政，國人事之如君。嬖固能守禮，不畏

之矯失俗也。

武子曰：「不亦善乎？」君子表微。

注：時無如之何，作若善之表，猶

明也。及其喪也，曾點倚其門而歌。

注：明已不與也。點字皙，曾參父闕氏。若璩曰：春秋昭

七年，季孫宿卒。孔子年十七，曾點少。孔子若干歲，未可知。然論語敘其坐次於子路，則其少九歲以上，可知。安有六

七歲童子倚執政之門臨喪而歌之事？○嬖居表反，說他活反。

大夫弔當事而至，則辭焉。

注：辭猶告也。擯者以主人有事，告也。主人無事，則爲大夫出正

義。此出者，正謂出之於庭，不得出門外。以男子之事，自堂及門故也。若未小斂，以前唯君命出。然士喪禮既小斂，以後主人降自西階，遂拜賓。大夫特拜士旅之得出，拜士者以主人將襲經於序，東因降階而拜之，非故爲士而出拜。

也

弔於人是日不樂

注君子哀樂不同日子於是日哭則不歌王氏念孫曰不樂之樂如字讀謂作

樂也歌詩與作樂相等故注以不歌比不樂○樂音岳

婦人不越疆而弔人

注不通於外正義婦人無外事

行弔之日不飲酒食肉焉

注以全哀也

弔於葬者必執引若從柩及壙皆執紼

注示助之以力車日引棺曰紼從柩

贏者釋名從前引之曰紼紼發也發車使前也釋文引車索紼棺索正義何東山云天子千人諸侯五百人大夫三

百人士五十人贏數外也

○曠若冕反又音曠後同

喪公弔之必有拜者

注往謝之雖朋友州里舍人可也

注謂無主後正

義喪家雖無主後必有以次疏親而往拜之疏親亦無雖死者朋友及同州同里及喪家典舍之人而往拜之可也若有後主人自當親拜既夕禮云主人乘惡車鄭注云拜君命是也

弔曰寡君承事

注示亦爲執事

來

主人曰臨

注君辱臨其臣之喪

君遇柩於路必使人弔之

注君於民臣有父母之恩正義君於其臣當特弔於家故鄭答

張逸行而遇之謂凡民也

大夫之喪庶子不受弔

注不以賤者爲有爵者主正義適子主喪受弔拜賓若適子或有他

故不在則庶子不敢受弔明已卑辟適也

妻之昆弟爲父後者死哭之適室

注以其正也

子爲主袒免哭

踊注親者主之正義子己子也甥服舅總故命己子爲主冠尊不居肉袒上故先祖袒免哭踊

夫人門右

注北面

使人立於門外告來者狎則入哭

注狎相習知者

父在哭

於妻之室

注不以私喪干尊

非爲父後者哭諸異室

○免音問

有殯聞遠兄弟之喪哭於側室

注嫌哭殯

無側室哭於門內之

右

注近南者爲之變位

同國則往哭之

注喪無外事正義哭於門內之右謂庶人無側室者上云

以己有喪殯不得嚮他國

子張死曾子有母之喪齊衰而往哭之或曰齊衰不以弔

曾子曰我弔也與哉

注於朋友哀痛甚而往哭之非若凡弔黃東發曰齊衰者曾子爲母服非

爲弔子張而服也往哭者友朋哀痛之情特因其服而往非以此服行弔禮也

有若之喪悼公弔焉子游擯由左

注悼公魯哀公之子擯相侑喪禮者喪禮廢亡

時人以爲此儀當如詔辭而皆由右相是善子游正之方
性夫曰吉時尙左凶事尙右子游爲擯由左尙右故也○
廣必
忍反

齊穀王姬之喪

注穀當爲告聲之誤也王姬周女齊襄公之夫人

魯莊公爲之大

功或曰由魯嫁故爲之服姊妹之服或曰外祖母也故爲

之服

注春秋周女由魯嫁卒服之如內女服姊妹是也天子爲之無服嫁於王者之後乃服之莊公齊襄公女

弟文姜之子當爲舅之妻非外祖母也外祖母又小功也○穀音告又古毒反爲于僞反

晉獻公之喪秦穆公使人弔公子重耳

注獻公殺其世子申生重耳辟難出

奔是時在翟就弔之

且曰寡人聞之亡國恒於斯得國恒於斯

注言在喪

代之際

雖吾子儼然在憂服之中喪亦不可久也時亦不可

失也孺子其圖之注勸其反國意欲納之喪謂亡失位孺釋也以告舅犯注舅犯重

耳之舅狐偃也字子犯舅犯曰孺子其辭焉喪人無寶仁親以為寶

注寶謂善道可守者朱了父死之謂何又因以為利注欲反國

大學注仁親謂仁愛其親求為後是注說猶利父死而天下其孰能說之孺子其辭焉注說猶公子

重耳對客曰君惠弔臣重耳身喪父死彬謂喪不得與

於哭泣之哀以為君憂注謝父死之謂何或敢有他志以

辱君義注他志稽顙而不拜哭而起起而不私子顯以致

命於穆公注使者公子繫也盧氏云古者名字相配顯當

穆公曰仁夫公子重耳夫稽顙而不拜則未為後也故不

成拜哭而起則愛父也

呂氏春秋報更篇人主胡可以不務哀士高注哀猶愛也櫛弓哭而

起則愛父也

起而不私則遠利也

正義穆公本意勸重耳反國今不受其勸故不

拜謝故云未爲後也凡喪禮先稽顙而後拜今直稽顙而不拜故云不成拜也聞勸其反國哀慟而起則愛父也不私與使者言無心反國是遠利也○重直龍反儼魚檢反喪息淚反與音預稽音啟顙桑黨反

帷殯非古也自敬姜之哭穆伯始也

注穆伯魯大夫季悼子之子公甫靖也敬

姜穆伯妻文伯歎之母也禮朝夕哭不帷正義按張逸答陳鏗云敬姜早寡晝哭以辟嫌帷殯或亦辟嫌表夫之遠

色也

喪禮哀戚之至也節哀順變也君子念始之者也

注始猶生也念

父母生已不欲傷其性正義言人或有禍災雖或悲哀未是至極唯居父母喪是哀戚之至極也若無節文恐其傷

性故辟踊有筭
裁節其哀也

復盡愛之道也有禱祠之心焉

注復謂招魂且分禱五祀庶幾其精氣之反望

反諸幽求諸鬼神之道也

注鬼神處幽闇望其從鬼神所來

北面求諸幽

之義也

注鄉其所從來也禮復者升屋北面正義五祀博言之耳士唯二祀

拜稽顙哀戚之至隱也稽顙隱之甚也

注隱痛也稽顙者觸地無容正義孝

子拜賓先稽顙而後拜者哀戚之至痛也

飯用米貝弗忍虛也不以食道用美焉爾

注尊之也食道襲米貝美正義

凡舍用米貝案喪大記君沐梁大夫沐稷士沐梁又以所沐之米以飯之士用梁者謂天子之士諸侯之士用稻故士喪禮云稻米一豆實於筐以次差之天子當沐黍與案士喪禮貝三實于筭注貝水物古者以爲貨是士用貝三

依雜記則大夫當

五諸侯七天子九

銘明旌也

注神明之旌釋名銘名也
記明其功也廣雅銘銘記

以死者爲不可別已

故以其旗識之

注不可別形貌不見盧注形掩藏不可別
故旌其別也王氏念孫曰故以其旗識之

本作故以其旗識識之上識是旗識之識下識是表識之

識周官小祝置銘杜子春注引檀弓曰銘明旌也以死者

爲不可別故以其旗識識之士喪禮爲銘鄭注曰

銘明旌也以死者爲不可別故以其旗識識之愛之斯

錄之矣敬之斯盡其道焉耳

注謂重與奠

重主道也殷主綴重

焉周主重徹焉

注始死未作主以重主其神也重既虞而
理之乃後作主春秋傳曰虞主用桑練主

用栗綴猶聯也般人作主而聯其重縣諸廟也去顯考乃

理之周人作主徹重埋之正義案士喪禮爲銘各以其物

士長三尺大夫五尺諸侯七尺天子九尺若不命之士則

士喪禮云以緇長半幅長一尺經末長終幅長二尺總長

三尺始死作重猶吉祭木主之道主者吉祭所以依神在
喪重亦所以依神般人始殯置重於廟庭作虞主訖則緹
重縣於新死者之廟周人虞而作主重則徹去而埋之范
甯穀梁傳注云親過高祖則毀其廟以次而遷將納新神
故示有所加其主之狀范甯云正方穿中央達四方
天子長尺二寸諸侯長一尺○識式至反綴竹劣反

奠以素器以生者有哀素之心也唯祭祀之禮主人自盡

焉爾豈知神之所饗亦以主人有齊敬之心也

注哀素言哀痛無飾

也凡物無飾曰素哀則以素敬則以飾禮由人心而已正
義奠謂始死至葬之時祭名以其時無尸奠置於地故謂
之奠也哀則以素謂葬前敬則以飾謂虞
後故士虞禮不用素器也○齊側皆反

辟踊哀之至也有筭爲之節文也

注筭數也正義撫心爲辟跳躍爲踊孝子喪視

哀慕至蕙男踊女辟是哀痛之至極也若不裁限恐傷其
性故辟踊有節士含死日三日而殯凡三踊初死日奠而

踊明日小斂踊又明日大斂踊凡三日爲三踊也大夫五
踊含死日四日而殯初死日一踊明日斂又踊三日小斂
朝一踊至小斂時又踊至四日大斂朝不踊當大斂時又
踊凡四日爲五踊諸侯七踊含死日六日而殯初死日一
明日斂又一至三日小斂朝一當小斂時又一四日無事
一五日又一至六日朝不踊亦當大斂時又一凡六日七
踊周禮王九踊含死日八日而殯死日一明日斂一其間
二日爲二至五日小斂爲二其間一日又二至八日大斂
朝不踊大斂時又一凡八日九踊故云爲
之節文也○辟婢亦反踊音勇筭桑亂反

袒括髮變也愠哀之變也去飾去美也袒括髮去飾之甚

也有所袒有所襲哀之節也正義袒衣括髮孝子形貌之變也悲哀愠患者孝子哀情

之變也江氏永曰袒肉袒也喪禮亦左袒以左袂扱於前
衿帶士喪禮主人左袒扱諸面之右是也括髮者去筭纒
以麻括髮而露紒也爲父喪小斂至大斂皆括髮爲母喪
小斂一括髮及奉尸俛於堂拜賓卽位而著免也士喪禮

袒襲之節初喪時凡三飯含一小斂一大斂一葬時
凡四啟殯一祖行一柩時一窆時一也○括觀闕反

弁經葛而葬與神交之道也

注接神之道不可以純凶天子諸侯變服而葬冠素弁以

葛爲環經既虞卒哭乃服受服也雜記曰凡弁經其衰侈袂正義素謂素帛爲弁故鄭注司服云弁如爵弁而素不云麻是用素絹也以葛以弁經連文故云葛環經然則要帶猶用麻也江氏永曰小宗伯成葬有祭墓之禮下文有司以几筵舍奠於墓左則葬時有交神之道神謂后土之神蓋先君體魄託於斯是以不敢純凶然亦惟貴者有此禮大夫以下則不敢輕變服也

有敬心焉

注踰時哀衰而敬生敬則服有飾大夫士三月而葬未踰時

周人弁而葬般人啣而葬

注周弁般啣俱象祭冠而素禮同也○啣況甫反

歆主人主婦室老爲其病也君命食之也

注尊者奪人易也歆歆粥也正

義歆者親喪三日之後歆粥之時主人凶者之子主婦凶者之妻室老家之長相此三者並是大夫之家貴者爲其

飲粥病困之故君必有命食疏飯也

○歡徐昌悅反爲于僞反食音嗣

反哭升堂反諸其所作也

注親所行禮之處

主婦入於室反諸其

所養也

注親所饋食之處正義謂葬窆訖反哭升於廟所以升堂者謂平生祭祀冠昏在於堂也所以入室

反復於親所饋食供養之處此皆謂在廟也

反哭之弔也哀之至也反而凶焉失之矣於是爲甚

注哀痛甚

殷既封而弔周反哭而弔孔子曰殷已慤吾從周

注封當爲窆窆

下棺也慤者得哀之始未見其甚正義廟是平生行禮之處今反哭於廟思親而不見故悲哀爲甚曠非親存所在之處弔者於此而來哀情質慤故云慤也

○封依注音窆下同慤本又作艱苦角反

葬於北方北首三代之達禮也之幽之故也

正義鬼神尚幽闇往詣幽

冥故也殯時仍南首者孝子猶若其生不忍以神待之

既封主人贈而祝宿虞尸

注贈以幣送死者於殯也於主人贈祝先歸正義祝先歸宿戒

虞尸案既夕禮主人贈用制幣元纁束帛也案士虞禮記云男男尸女女尸是虞有尸也

既反哭主人與有司視虞牲

注日中將虞省其牲

有司以几筵舍奠

於墓左反日中而虞

注所使奠墓有司來歸乃虞也舍奠墓左爲父母形體在此禮其神也周

禮家人凡祭墓爲尸正義此謂既窆後事也几依神也筵坐神席也席敷陳曰筵舍釋也奠置也墓道嚮南以東爲左孝子先反故有司以几筵及祭饌置於墓左禮地神也虞者葬日還殯宮安神之祭名士虞禮云日中而行事注云朝葬日中而虞君子舉事必用辰葬日虞弗忍一日離正也再虞三虞皆用質明○舍音釋

也

注弗忍其無所歸

是日也以虞易奠卒哭曰成事

注虞喪祭也既虞之後卒

吳而祭其辭蓋曰哀薦成事成祭事也祭以吉爲成正義
注上虞禮云虞安也所以安神虞皆用柔日最後一虞
用剛日雜記云諸侯七虞然則天子九虞也○離力智反是日也以吉祭易喪祭注卒

祭明日祔於祖父

注祭告於其祖之廟

其變而之吉祭也比至於祔

必於是日也接不忍一日末有所歸也

注末無也日有所用接之虞禮所謂

他用剛日也其祭祝曰哀薦曰成事吳幼清曰虞祭猶是喪祭卒哭始吉祭明日卒哭之次日也變亦易也接相連不間也變而之吉祭卽上文所謂以吉祭易喪祭也比至於祔必於是日也接卽上所謂明日祔於祖父也前言弗忍一日離此言不忍一日末有所歸蓋言卒哭之末有喪禮送神適祖廟矣翼早急就祖廟迎奉其神若用虞祭之例相隔一日而始祔祭則卒哭後祔祭前此一日親之神無所依歸孝子不忍故祔祭必與卒哭之日相連而不間也聖人制禮之意精矣注疏以變爲非常之祭未見明據○易徐音亦比必利反

殷練而祔周卒哭而祔孔子善殷

注期而神之人情江氏永曰考大戴禮諸侯遷

廟奉衣服由廟而遷於新廟此廟實爲殯宮則先儒謂祔後主反於殯宮者信矣其不言奉主而言奉衣服者鄭氏謂毀易祖考人神之所不忍是也祔後殯宮有主遷廟篇固可證矣至遷廟先儒有二說朱子斷從三年之說爲合於人情愚又以遷廟篇證之亦當是除喪之後其云成廟將遷之新廟徙之日君元服從者皆元服非除喪豈可元服乎使練而遷廟則練與大祥之間豈可行吉祭乎左氏傳云卒哭而祔祔而作主特祀於主丞嘗禘於廟此亦可見練祥禋之祭皆特祀於主而主不在廟也穀梁傳所謂於練焉壞廟者易檐改塗以示他日將遷於此而遷不於練也喪事卽遠有進無退謂柩不反非謂主不反卒哭而祔惟祔於同昭穆之祖非同昭穆者不祭蓋欲使新死者祔於同班之祖而非爲祀典之缺也又曰以意推之殷練而祔亦是行祖之祭若遷廟當在除喪之後也周人殯於寢既葬主猶在寢故卒哭卽行祔祭使其神有所歸殷人殯於廟不忠其無所歸是以練而始行祔祭也殷周異制

其原自殯於祖殯於寢已不同殷練而祔與上文不忍一日未有所歸自不相妨也

君臨臣喪以巫祝桃茢執戈惡之也

注爲有凶邪之氣在側君聞大夫之喪去

樂卒事而往未襲也其已襲則止巫去桃茢桃鬼所惡茢萑可埽不祥

所以異於生也

注生人無

凶邪正義此經所云謂天子禮鄭注士喪禮引此文云皆天子禮也諸侯臨臣之喪則使祝代巫執茢居前下天子

也喪有死之道焉先王之所難言也

陳可大曰人死斯惡之矣先王之所不忍

言也王氏念孫曰唐石經初刻所下有以字○茢音列惡烏路反

喪之朝也順死者之孝心也其哀離其室也故至於祖考

之廟而后行殷朝而殯於祖周朝而遂葬

注朝謂遷柩於廟正義夫爲人

子之禮出必告反必面以盡孝子之情今此所以車載柩而朝是順死者之孝心也然朝廟之禮每廟皆朝故既夕

禮云其二廟則饌於禰廟般人尙質敬鬼神而遠之死則爲神故朝而殯於祖廟周則尙文親雖亡歿不忍以神事之故殯於路寢及朝廟遂葬○朝直遙反

孔子謂爲明器者知喪道矣備物而不可用也

注神與人異道則不

相傷哀哉死者而用生者之器也不殆於用殉乎哉

注殆幾也殺人也

以衛死者曰殉用其器者漸幾於用人

其曰明器神明之也

注神明死者異於生人

塗

車芻靈自古有之

注芻靈束茅爲人馬謂之靈者神之類釋名塗車以泥塗爲車也芻靈束草爲

人馬以神靈名之也

明器之道也

注言與明器同

孔子謂爲芻靈者善謂爲

俑者不仁不殆於用人乎哉

注俑偶人也有面目機發有似於生人孔子善古而非周

○殉辭俊反芻初俱反俑音勇

穆公問於子思曰爲舊君反服古與

注仕焉而已者穆公魯哀公之曾孫王肅

喪服要記老疾三諫去者爲舊君服齊

子思曰古之君子進人以禮退人以

禮故有舊君反服之禮也今之君子進人若將加諸膝

說

鄒滕頭

退人若將隊諸淵毋爲戎首不亦善乎又何反服

之禮之有

注言放逐之臣不服舊君也爲兵主來攻伐曰戎首盧注戎兵也言以君待臣不以禮不舉兵

爲行陳之首誅之則善矣有何反服之有正義案喪服齊衰三月章爲舊君注云大夫待放未去者傳曰大夫去君婦其宗廟言其以道去君而猶未絕也以此言之凡舊君若年老致仕退歸在國不仕者身爲之服齊衰三月并各服其母妻若三諫不從待放已去而絕者唯妻與長子服之已則無服若待放未去爵位未絕身及妻子皆爲之服然則去仕他國已絕之後不服舊君王氏念孫曰此本作又何反服之有反服二字蓋涉上文反服

禮而衍世說新語方正篇注通典禮五十九白帖三十
八引此無之禮二字○爲于僞反膝音悉隊又作墜直媿
反

悼公之喪季昭子問於孟敬子曰爲君何食

注悼公魯哀公之子昭子

康子之曾孫名彊敬子武伯之子名捷

敬子曰食粥天下之達禮也吾三臣

者之不能居公室也四方莫不聞矣

注言鄰國皆知吾等不能居公室以臣禮

事君也三臣仲孫叔孫季孫氏也

勉而爲瘠則吾能毋乃使人疑夫不以

情居瘠者乎哉我則食食

注存時不盡忠喪又不盡禮非也李氏悖曰食粥天下之達禮

自是正論玩其文義吾三臣者以下當是昭子答辭當時三家之勢季氏最橫孟氏最弱敬子知問曾子之疾獲問君子之道何至無忌憚若是哉彬謂情實也言居喪作僞使人疑其無哀戚之實也○瘠徐在益反食下音嗣

司徒敬子死

注司徒官氏
公子許之後

子夏弔焉主人未小斂經而

往子游弔焉主人既小斂子游出經反哭

注皆以朋友之
禮往而二人異

子夏曰聞之也與曰聞諸夫子主人未改服則不經

賀循
喪服

要記曰始弔朝元端之服也皮弁經素弁而加環絰也始
死而往朝服者主人未變賓未可以變也又曰古之弔者
皆因朝夕哭而入弔賓至主人即出中門外西面北上拜
賓入門即位於堂下阼階西面賓入即位皆哭哭止主人
拜之正義凡弔則應弁經
環絰之屬云絰則知有帶

曾子曰晏子可謂知禮也已恭敬之有焉

注言禮者
敬而已矣有若

曰晏子一狐裘三十年遺車一乘及墓而反國君七个遺

車七乘大夫五个遺車五乘晏子焉知禮

注言其太僉過
下非之及墓而

反言其既窆則歸不留賓客有事也人臣賜車馬者乃得有遣車遣車之差大夫五諸侯七則天子九諸侯不以命數喪禮略也个謂所包遣奠牲體之數也雜記遣車視牛其正義按既夕禮乃窆主人哭踊無筭襲贈用制幣元纁束拜稽顙踊如初卒袒拜賓賓出則拜送今晏子既窆贈幣拜稽顙踊訖則還不復拜賓送賓又既夕禮苞牲取下體鄭注前脰折取臂膈後脰折取幣是一牲取三體士少半二牲則六體也大夫用太半牲有三體凡九體分爲十五段三段爲一包凡爲五包此遺奠所包皆用左胖以其喪禮反吉士虞禮載左胖也金氏榜曰古者牲體之數名个士虞禮特牲及少半下篇皆云俎釋三个少儀太牢則以左肩臂膈折九个少牢則以羊左肩七个植豕則以豕左肩五个士喪禮云苞二注云士苞三个蓋據國君七个大夫五个差之士用二包而云包三个明个之多少不與包數同士禮遺奠用少牢則羊一包豕一包也由是差之諸侯大夫用大半者包三天子用馬牲者宜包四矣曾子曰國無道君子恥盈禮焉國奢則示之以儉國儉則示

之以禮

注時齊方奢
矯之是也

國昭子之母死問於子張曰葬及墓男子婦人安位

注國昭子

齊大

夫 子張曰司徒敬子之喪夫子相男子西鄉婦人東鄉

注夾羨道爲位
夫子孔子也

曰噫毋曰我喪也斯沾

注噫不寤之聲毋
禁止之辭斯盡也

沾讀曰覘覘視也國昭子自謂齊之大家有事
人盡視之欲人觀之法其所爲廣韻覘窺視也

爾專之賓

爲賓焉主爲主焉

注專猶司也
時子張相

婦人從男子皆西鄉

注非也正

義婦女之賓爲賓位焉與男子之賓同處婦女之主爲主
位焉與男子之主同處於是昭子家婦人從男子皆西鄉

同在主位賓之男子賓之婦人皆西鄉東鄉言非也
相息亮反噫本又作意同于其反沾依注音覘較廉反

穆伯之喪敬姜晝哭文伯之喪晝夜哭孔子曰知禮矣

注

夫不夜哭嫌
思情性也

文伯之喪敬姜據其牀而不哭曰昔者吾有

斯子也吾以將爲賢人也吾未嘗以就公室

注蓋見其有才藝未嘗與

到公室觀其行也季氏魯之宗卿敬姜有會見之禮

今及其死也朋友諸臣未有出

涕者而內人皆行哭失聲斯子也必多曠於禮矣夫

注內人妻

妾正義案家語云文伯歿卒其妻妾皆行哭失聲敬姜戒之曰吾聞好外者士死之好內者女死之今吾子早夭吾惡其好內聞也二三婦共祭祀者無加服孔子問之曰女智莫若婦公父氏之婦知禮矣與此不同

季康子之母死陳褻衣

注褻衣非上服陳之將以斂

敬姜曰婦人不飾

不敢見舅姑將有四方之賓來褻衣何爲陳於斯命徹之

注言四方之賓嚴於舅姑敬姜者康子從祖母正義案世本悼子紇生平十意如意如生桓子斯斯生康子肥世本

又云悼子紇生穆伯端緒只意如是。說兄弟弟意如是。康伯祖穆伯是康子祖之兄弟。穆姜是穆伯之妻。故云康子從祖母也。

有子與子游立見孺子慕者有子謂子游曰子壹不知夫

喪之踊也子欲去之久矣情在於斯其是也夫

注喪之踊猶孺子之

號慕釋詁斯此也

子游曰禮有微情者

注節哭踊正義微殺也言若賢者喪親必致誠性故

三日而食哭踊有數以殺其內情使之俯就也何允云哭踊之情心發於內謂之微微者不見也

有以故

興物者

注衰經之制正義興起也物謂衰經也若不肖之屬本無哀情故爲衰經使其親服思哀起情企及

也引由外來故云興物

有直情而徑行者戎狄之道也

注哭踊無飾衣服無制

禮道則不然

注與戎狄異

人喜則斯陶陶斯咏

注陶鬱陶也咏詠也咏斯

猶注猶當爲搖聲之誤也搖謂身動搖也秦人猶搖聲相近近注戚氏琳曰案爾雅釋詁鬱陶絲喜也郭注引孟子

記爲證又曰猶卽絲也古今字耳說文糸部云絲從也从

从系書聲手部云搖動也从手岳聲二字聲義皆相近

從則有喜意隨從則身動搖鄭注猶斯舞注手舞斯愷

搖謂身動搖與爾雅說文皆合

猶怒愷斯戚注戚憤恚釋文此喜愷哀樂相對本或戚斯

也注愷斯戚於此句上有舞斯愷一句并注皆衍文

歎注歎歎斯辟拊心歎斯辟注辟辟斯踊矣注踊品節斯斯之謂禮注

踊皆有節乃成禮廣雅品齊也王氏念孫曰品節斯斯之

謂禮是品爲齊也正義品階格也節制斷也此之謂禮生

於哀樂若喜而不節自陶至舞俄頃而愷生若怒而不節

從戚至踊踊極則笑故夷狄無禮朝殞夕歌兒童任情嬉

啼歎笑今若品節此二塗使人死斯惡之矣無能也斯倍

踊舞有數故云此之謂禮

之矣注無能心謂是故制絞衾設奠翼爲使人勿惡也注

較

衾尸之飾蕙嬰棺之始死脯醢之奠將行遣而行之既葬

而食之

注將行將葬也葬有遣奠食反虞之祭

未有見其饗之者也自上世

以來未之有舍也爲使人勿倍也

注舍猶廢也正義人身既死形體腐敗故惡之

倍之以其恐惡之故制絞衾設蕙嬰以飾之恐倍之故始死設脯醢之奠將行設遣奠而送之反哭設虞祭以食之爲使人勿倍故子之所刺於禮者亦非禮之訾也

注訾病也○徑

古定反猶依法作搖音遙愠紆運反絞戶交反蕙音柳嬰所甲反食音嗣訾似斯反

吳侵陳斬祀殺厲

注祀神位有屋樹者厲疫病吳侵陳以魯哀元年秋

師還出竟陳

大宰嚭使於師夫差謂行人儀曰是夫也多言盍嘗問焉

師必有名人之稱斯師也者則謂之何

注大宰行人官名也夫差吳子光之

子蓋何不也嘗猶試也夫差修舊怨庶幾其師有善名洪景盧曰按語乃夫差之宰陳遣使者正用行人則儀乃陳臣也記禮者更錯其名當曰陳行人儀使於師夫差使大宰嚭問之

大宰嚭曰古之侵伐者

不斬祀不殺厲不獲二毛

注獲謂係虜之二毛鬚髮斑白正義穀梁傳曰苞人民毆牛馬

曰侵斬樹木壞宮室曰伐江氏永曰大宰嚭曰亦當作行人儀曰

今斯師也殺厲與其不

謂之殺厲之師與

注欲微切之故其言似若不審然正言殺厲重人

曰反爾地歸

爾子則謂之何

注子謂所獲民臣

曰君王討敝邑之罪又矜而赦

之師與有無名乎

注又微勸之終其意吳楚僭號稱王○還音旋語普彼反差初佳反

顏丁善居喪始死皇皇焉如有求之弗得及殯望望焉如

有從而弗及既葬慨焉不及其反而息

注顏丁魯人從隨也慨慙貌正

義皇皇猶彷徨望望如有從逐人後行而不及之貌從而不及似有可及之理慨焉如不及謂不復可及吳幼清曰既葬謂迎精而反如親已還反至家已尙追逐不及力已疲憊行不能前暫焉休息言其悵况不安之甚或曰其反而息謂親已還反而休息也江氏永曰慨焉如不及其反而息九字爲句王氏引之曰吳氏以如不及其反而息七字連讀長於舊說矣但謂暫焉休息則非也不及其反正當速追而及之何得休息於半途乎當以或說爲是蓋當迎精而反之時死者已不能反而息矣而孝子猶若其親能反而息者所謂其反也如疑上文弗得弗及自爲子者言之此反而息則自親言之變文以見義也○慨苦愛反

子張問曰書云高宗三年不言言乃讜有諸

注時人君無行三年之喪

禮者問有此與怪之也讜喜說也言乃喜悅則民臣望其言久

仲尼曰胡爲其不然也古

者天子崩王世子聽於冢宰三年

注冢宰天官卿貳王事者三年之喪使之聽朝

正義尚書無逸云言乃雍
雍謹字相近。○謹音歡

知悼子卒未葬

注悼子晉大夫荀
盈魯昭九年卒

平公飲酒

注與羣臣燕
平公晉侯彪

師曠李調侍

注侍與君飲也燕
禮記曰請旅侍臣

鼓鐘

注樂作也燕禮賓人
門奏肆夏既獻而樂

闕獻君亦如之
正義鼓猶奏也

杜蕢自外來聞鐘聲曰安在

注怪之也杜
蕢或作屠劑

曰在寢

注燕
於寢

杜蕢入寢歷階而升酌曰曠飲斯又酌曰調

飲斯又酌堂上北面坐飲之降趨而出

注三酌
皆罰

平公呼而

進之曰蕢曩者爾心或開予是以不與爾言

注曩曩也謂
始來入時開

謂諫爭有
所發起

爾飲曠何也曰子卯不樂

注紂以甲子死桀以
乙卯亡王者謂之疾

日不以舉樂為吉事所以自戒懼釋文賈逵云桀以乙卯
日死受以甲子日亡故以為戒鄭同漢書翼奉說則不然

張晏曰子刑卯刑子相刑之日故以爲忌而云夏殷亡日不推湯武以興乎顧氏炎武曰子甲子也卯乙卯也古

人省文但言子卯翼奉乃謂子爲貪狼卯爲陰賊此術家之說非經義也彬謂日刑不止子卯張晏說亦非

知悼子在堂斯其爲子卯也大矣注言大臣喪重於疾日也雜記曰君於卿大夫比葬

不食肉比卒哭不舉樂

曠也大師也不以詔是以飲之也

注詔告也大師典奏

爾飲調何也曰調也君之褻臣也爲一飲一食忌君之

疾是以飲之也

注言調食酒食褻嬖也近臣亦當規君疾憂正義臣當規正君過唯欲行燕會貪一

飲一食忌君違禮之疾而不諫

爾飲何也曰賁也宰夫也非刀匕是供又

敢與知防是以飲之也

注防禁放溢正義皇氏云非不也宰夫不以刀匕是共乃又敢與諫

爭越官侵職是以飲也

平公曰寡人亦有過焉酌而飲寡人

注聞義則服

杜蕢洗而揚觶

注舉爵於君也禮揚作騰揚舉也騰送也揚近得之說文解鄉飲酒角也禮曰一人

洗舉觶觶受四升觶

公謂侍者曰如我死則必毋廢斯爵

也注欲後世以爲戒

至于今既畢獻斯揚觶謂之杜舉

注此爵遂因杜蕢爲

名畢獻獻賓與君正義按春秋傳與此不同或二文互相足也春秋昭九年左傳晉侯飲酒樂膳宰屠蒯趨入請佐公使尊許之而遂酌以飲王曰女爲君耳將司聰也辰在子卯謂之疾日君徹宴樂學人舍業爲疾故也君之卿佐是謂股肱股肱或虧何痛如之女弗聞而樂是不聽也又欲外嬖嬖叔曰女爲君目將司明也服以旌禮禮以行事事有其物物有其容今君之容非其物也而女不見是不明也亦自飲也曰味以行氣氣以實志志以定言言以出令臣實司味二御失官而君弗命臣之罪也公說徹酒○杜通作屠劉昌宗讀同都切蕢苦怪反曩乃黨反匕必季禪之波反

公叔文子卒

注文子衛獻公之孫名拔或作發正義案世本衛獻公生成子當當生文子拔拔是獻公

孫也其子戍請諡於君曰日月有時將葬矣請所以易其名

者注諡者行之迹有時猶言有數也大夫士三月而葬君曰昔者衛國凶饑夫子爲

粥與國之餓者是不亦惠乎注君靈公也昔者衛國有難夫子

以其死衛寡人不亦貞乎注難謂魯昭公二十年盜殺衛侯之兄摯也時齊豹作亂公如

死夫子聽衛國之政修其班制以與四鄰交衛國之社稷

不辱不亦文乎注班制謂尊卑之差故謂夫子貞惠文子注後不言貞惠者文

足以兼之正義案諡法愛民好與曰惠外內用情曰貞道德博文曰文既有道德則能惠能貞方性夫曰班言上下之序制言多寡之節修其班制故可與四鄰交○粥音祝難乃旦反

石駘仲卒

注駘仲衛大夫石碣之族

無適子有庶子六人卜所以爲後

者

注莫適立也正義左氏昭二十六年傳云年鈞以德德鈞以卜王不立愛公卿無私

曰沐浴佩玉

則兆

注言齊絜則得吉兆

五人者皆沐浴佩玉石祁子曰孰有執親

之喪而沐浴佩玉者乎不沐浴佩玉

注心正且知禮正義居親之喪必衰經惟

悴安有沐浴佩玉者乎

石祁子兆衛人以龜爲有知也

○駘大來反適丁歷反

陳子車死於衛其妻與其家大夫謀以殉葬定而后陳子

亢至以告曰夫子疾莫養於下請以殉葬

注子車齊大夫子亢子車弟孔

子弟子

下地子亢日以殉葬非禮也雖然則彼疾當養者孰若

妻與宰得已則吾欲已不得已則吾欲以二子者之爲之

中注度諫之不能止以於是弗果用注果決○亢音剛又

斯言拒之已猶止也苦浪反養羊尙反

十路曰傷哉貧也生無以爲養死無以爲禮也孔子曰噉

水飲水盡其歡斯之謂孝斂手足形還葬而無槨稱其財

斯之謂禮注還猶疾也謂不及其日月釋文菽大豆也王

云熬豆而食曰噉菽正義以菽爲粥而噉之飲

水更無餘物使親盡其歡樂此之謂孝斂首及足速葬而

無槨稱其家之所有以送終此之謂禮○噉昌劣反還音

旅稱尺

冷反

衛獻公出奔反於衛及郊將班邑於從者而后入注欲賞

從者以

柳莊曰如皆守社稷則孰執

性夫曰耦以絡馬駒以

耦

馬從君而奔故君反其國而有私也毋乃不可乎注言有私則生

怨

弗果班

○從才用反羈音基勒丁歷反

衛有大史曰柳莊寢疾公曰若疾革雖當祭必告注革公急也

再拜稽首請於尸曰有臣柳莊也者非寡人之臣社稷之

臣也聞之死請往

注急弔賢者

不釋服而往遂以禭之

注脫君祭服以

禭臣親賢也所以以此禭之者以其不用襲也凡禭以斂正義得以祭服禭之者諸侯元冕祭廟大夫自元冕而下以俱是元冕故得禭也祭服既尊得以禭臣者以臣卑不敢用君禭衣而襲也與之邑裘氏與縣

潘氏書而納諸棺曰世世萬子孫毋變也

注所以厚賢也裘縣潘邑名王

氏懋竝曰裘氏潘氏兩邑名○革本又作蘇居力反禭音遂縣音元

陳乾昔寢疾屬其兄弟而命其子尊已曰如我死則必大

為我棺使吾二婢子夾我

注婢子妾也

陳乾昔死其子曰以殉

葬非禮也況又同棺乎弗果殺

注善尊已不陷父於不義○乾音干夾古洽反

仲遂卒於垂壬午猶繹萬人去籥仲尼曰非禮也鄭卒不

繹

注春秋經在宣八年仲遂魯莊公之子東門襄仲先日辛巳有事於太廟而仲遂卒明日而繹非也萬千舞也

籥籥舞也傳曰去其有聲者廢其無聲者正義萬是執干而舞武舞也即文王世子云春夏學干戈是也籥舞執羽吹籥而舞文舞也秋冬學羽籥是也呂氏讀詩記曰萬舞二舞之總名千舞者武舞之別名籥舞者文舞之別名文舞又謂之羽舞鄭氏據公羊以萬舞為千舞誤也春秋書萬入去籥言文武二舞皆入去其有聲者故去籥焉若萬舞止為武舞則詩何為獨言萬舞而不及文舞左傳考仲子之宮將萬焉婦人之廟亦不應獨用武舞也吳幼清曰

按詩言公庭萬舞下云左手執籥是萬舞亦用籥也春秋昭十五年經有事於武宮籥入叔弓卒去樂卒事公羊傳其言去樂卒事何禮也君有事於廟聞大夫之喪去樂卒小大夫聞君之喪攝主而往大夫聞大夫之喪尸事畢而往○釋音亦籥羊勺反

季康子之母死公輸若方小

注公輸若匠師方小言年尚幼未知禮也劉氏台拱曰若

疑卽般

斂般請以機封

注斂下棺於椁般若之族多技巧者見若掌斂事而年尚幼請代之

而欲嘗其技巧

將從之

注時入服般之巧

公肩假曰不可夫魯有初

注初謂故

事公室視豐碑

注言視者時僭天子也豐碑斲大木爲之形如石碑於椁前後四角樹之穿中於間

爲鹿盧下棺以絳繞天子六

三家視桓楹

注時僭諸侯諸侯下天子也斲

絳四碑前後各重鹿盧也之形如大楹耳四楹謂之桓諸侯四絳二碑碑如桓矣大夫二絳二碑士二絳無碑

般爾以人之母

嘗巧則豈不得以其母以嘗巧者乎則病者乎

注以已字言寧有強

使女者與僭於禮有似作機巧非也以與

注不寤

弗果

已字本同毋無也於女寧有病苦與止之

之聲

從陳可大載一說曰則豈不得以其母以嘗巧者乎作一

句言爾以他人母試巧而廢其常用之禮則亦豈不得

自以己母試巧而不用禮乎則於爾心亦有所病而不安

乎蓋使之反求諸心以己度人而知其不可也王氏念孫

曰當依鄭注斷豈不得以爲一句以與已同其母之母當

作毋此涉人之母而誤也毋與無同言爾以人之母嘗巧

則豈有所不得已而爲之乎其無以嘗巧者乎正是申明

上意故正義云言不得嘗巧豈於女有病陳可大所引一

說非也○般音班封

彼驗反噫於其反

戰于郎注郎魯近邑也哀十一年齊國書帥師伐我是也公叔禺人遇負杖入保

者息

注遇見也見走避齊師將入保罷倦加杖頸上兩手掖之休息者保縣邑小城禺人昭公之子春秋傳曰

公叔

曰使之雖病也

注謂時

任之雖重也

注謂時

君子不

能爲謀也士弗能死也不可

注君子謂卿大夫也魯政既

畏人

我則既言矣

注欲敵齊

與其鄰重汪錡往皆死焉

注

敵死齊寇鄰鄰里也重皆當爲童童未

魯人欲勿殤重汪

錡

注見其死君事有士行欲以成人之

問於仲尼仲尼曰

能執干戈以衛社稷雖欲勿殤也不亦可乎

注善之春秋

傳齊師伐我及清公爲與其嬖僮汪錡乘皆死皆殤孔子

曰能執干戈以衛社稷可無殤也○禹音遇又音務爲于

子路去魯謂顏淵曰何以贈我

注贈

曰吾聞之也去國則

哭於墓而后行反其國不哭展墓而入

注無君事主於孝
哭哀去也展省視

之謂子路曰何以處我

注處猶安也

子路曰吾聞之也過墓則

式過祀則下

注居者主於敬正義墓謂他家墳壘祀謂神位有屋樹者居無事主於恭敬故或式或下

也他墳尚式則已先祖墳墓當下也

工尹商陽與陳棄疾追吳師及之

注工尹楚官名棄疾楚公子弃疾也以魯昭八

年帥師滅陳縣之楚人善之因號焉至十二年楚子狩於州來使蕩侯潘子司馬督羣尹午陵尹喜圍徐以懼吳於時有吳師陳或作陵楚人聲陳弃疾謂工尹商陽曰王事也子手弓而

可手弓子射諸

注商陽仁不忍傷人以王事勸之

射之斃一人報弓

注不忍復

射斃仆也

又及謂之又斃二人每斃一人揜其目

注揜其目不忍

之禮止其御曰朝不坐燕不與殺三人亦足以反命矣

注朝燕於

寢大夫坐於上士立於下然則商陽與御者皆士也兵車參乘射者在左戈盾在右御在中央孔子曰殺

人之中又有禮焉

注善之○射食亦反羹亦作弊婢世反糝救亮反朝直遙反與音預

諸侯伐秦曹桓公卒於會

注魯成十三年曹伯廬卒於師是也廬謚宣言桓聲之誤也

諸侯請舍

注以朋友有相啖食之道

使之襲

注非也襲賤者之事彬按僖四年左傳凡諸侯薨於

朝會加一等死王事加

襄公朝於荆康王卒

注在魯襄二

楚子昭也楚言荆者州言之

荆人曰必請襲

注欲使襄公衣之

魯人曰非禮也

荆人強之

注欲尊康王

巫先拂柩荆人悔之

注巫祝桃荊君臨臣喪之禮彬案左

氏襄二十九年傳楚人使公親筮公患之穆叔曰祓殯而筮則布幣也乃使巫以桃荊先祓殯楚人弗禁既而悔之

正義曰記之所言卽是此事所異者此言請禭彼言請奠此言祓殯彼言拂柩案往年傳公及漢間康王卒公欲反則屏土之卒公未至楚楚人使公親禭禭不得爲奠也卒已踰月不得柩仍在地足知殯是柩非記虛而傳實也禭衣所以衣尸旣殯而使公禭者雜記記致禭之禮云委衣於殯東是旣殯猶致禭也文九年秦人來歸僖公成風之禭僖薨十年猶致之况旣殯也○桓依注音宣舍胡閻反強其丈反拂芳勿反桓其久反

滕成公之喪

注魯昭三年

使子叔敬叔弔籒書

注子叔敬叔魯宣公弟叔肸之

曾孫叔弓也進書奉君弔書正義案世本叔肸生聲伯嬰齊齊生叔老老生叔弓是叔弓爲叔肸曾孫也叔是其氏子是男子通稱

子服惠伯爲介

注惠伯慶父元孫之子名叔介副也正義案世本慶

父生穆伯赦赦生文伯穀穀生獻子蔑蔑爲慶父曾孫惠伯是蔑之孫慶父元孫之子也

及郊爲懿伯

之忌不入

注郊滕之近郊也懿伯惠伯之叔父忌怨也敬叔有怨於懿伯難惠伯也春秋傳曰敬叔不入

惠伯曰政也不可以叔父之私不將公事

注政君命所為敬叔於昭穆以

懿伯為叔父正義此後人轉寫鄭注之誤當云敬叔於昭

穆以惠伯為叔父檢世本敬叔是桓公七世孫惠伯是桓

公六世孫則惠伯是遂入

注惠伯強之乃入劉原父曰左

敬叔之父六從兄弟遂入傳注云忌怨也敬叔先有怨於

懿伯故不欲入滕以惠伯之言而入按左傳云及郊遇懿

伯之忌先言及郊而後言忌可見是及郊方遇忌也忌字

只是忌日懿伯是敬叔從祖適及滕郊而遇此日故欲緩

至次日乃入惠伯以禮曉之曰公事有公利無私忌乃先

入而叔弓亦遂入焉王氏懋竝曰劉氏以懿伯之忌為忌

日案喪大記大夫士既練而歸朔月忌日則歸哭於宗室

注忌日死日也此指大祥之日為忌日則懿伯之練祥無

疑叔父之服期是日惠伯當除服故敬叔為惠伯欲至次

日入而惠伯以義斷之若是大祥之日惠伯服制已滿無所避矣

哀公使人弔賁尙遇諸道辟於路畫宮而受弔焉

注哀公魯君也

宮象

曾子曰黃尙不如杞梁之妻之知禮也

注行弔禮於野

齊莊公襲莒于奪杞梁死焉

注魯襄二十三年齊侯襲莒是也春秋傳曰杞殖華

不載甲夜入且於之疑疑奪

其妻迎其柩於路而哭之哀

莊公使人弔之對曰君之臣不免於罪則將肆諸市朝而

妻妾執

注肆陳尸也大夫以上於朝士以下於市執拘也

君之臣免於罪則有先

人之做廬在君無所辱命

注無所辱命辭不受也春秋傳曰齊侯弔諸其室春秋襄二十

三年左傳齊人歸遇杞梁之妻於郊使弔之辭曰殖之有罪何辱命焉若免於罪猶有先人之做廬在下妾不得與

郊弔齊侯弔諸其室○黃苦怪反辟音避畫音獲奪徒外反

孺子贛之喪

注魯哀公之少子

哀公欲設撥

注撥可撥引問於有輔車所謂涕

若有若曰其可也君之三臣猶設之

注猶尚也以臣況子也三臣仲孫叔孫季

孫顏柳曰天子龍輶而椁

注輶殯車也畫輶爲龍輶也殯以椁覆棺而塗之所謂

鼠塗龍

輶以椁諸侯輶而設轝

注輶不盡龍

爲榆沈故設撥

注以水澆榆白皮之

汁有急以播地於引輶車滑

三臣者廢輶而設撥竊禮之不中者也而

君何學焉

注止其學非禮也廢去也紼繫於輶三臣於禮去輶今有紼是用輶僭禮也殯禮大夫菑置西

序士掘碑見衽正義喪大記大夫二紼二碑紼卽紼也又注既夕禮云大夫以上始用四周謂之輶是大夫有輶也

此云用輶僭禮者大夫以柩朝廟之時用輶紼惟殯時不得用輶紼此文據殯時大記及既夕禮謂朝廟及下棺也

○輶吐孫反撥牛末反輶較倫反椁首郭轉大報反沈又作審同昌審反

悼公之母死

注母哀公之妾

哀公爲之齊衰有若曰爲妾齊衰禮

與

注譏而問之妾之貴者爲之總耳正義天子諸侯絕旁期於妾無服唯大夫貴妾總

公曰吾得已

乎哉魯人以妻我

注言國人皆名之爲我妻重服妾妾文過非也○爲于僞反與音餘

季子臯葬其妻犯人之禾

注季子臯孔子弟子高柴孟氏之邑成宰或氏季犯躐也正義

案仲尼弟子傳高柴字子臯少孔子三十歲鄭人也論語作子羔古字通用

申詳以告曰請庚

之注申詳子張子庚償也

子臯曰孟氏不以是罪子朋友不以是弃

子注時僭侈言非大故

以吾爲邑長於斯也買道而葬後難繼也

朱氏

賦曰子臯豈虐其民者意當日所犯無多必從而償之是賄賂之仁也且邑長犯禾而民受償是教民不順也後難繼卽孟子日亦不足之意江氏永曰爲政有體不爲小仁葬妻犯禾或偶過誤或道上迂曲不得已而犯之不償正爲得體蓋邑長猶償禾則民有喪皆須買道後將難爲繼非謂爲政者難遂其欲也○庚古衡反長丁丈反

仕而未有祿者君有饋焉曰獻使焉曰寡君違而君薨弗

爲服也

注以其思輕也遠去也釋文饋遺也李文叔曰賓

之故有獻而無賜不臣故有聘而無召陳用之曰賓賓之而弗臣故有饋焉不曰賜而曰獻其將命之使不曰君而曰寡君若子思之仕魯孟子之仕齊是也○饋其位反

虞而立尸有几筵卒哭而諱生事畢而鬼事始已

注諱辟其名謂

不復饋食於下室而鬼神祭之已辭也盧注喪朝夕奠尚生事之虞而立尸卒哭諱新是爲以生道事之畢矣復以鬼道始事之也已者辭也一說生事畢從生至死也鬼事始已者從死至卒哭也正義未葬之前殯宮雖有脯醢之奠不立几筵其大斂之奠雖在殯宮但有席而已亦無几也其下室之內有吉几筵今葬訖既設虞祭有素几筵筵雖大斂之時已有至虞更立筵與几相配然此虞祭而有几謂士大夫禮若天子諸侯則葬前有几鄭君答張逸云

未葬以脯醢奠於殯又於下室設黍稷曰饋下室內寢也
至朔月月半而殷奠殷奠有黍稷而下室不設也既虞祭
遂用祭禮下既卒哭宰夫執木鐸以命于宮曰舍故而諱
室遂無事也

新注故謂高祖之
父當遷者也

自寢門至于庫門

注百官所在庫門宮
外門明堂位曰庫門

天子臯門盧注宰夫於周禮爲下大夫小宰之副也大喪
小喪掌小官之戒令帥執事而理之大喪君也小喪屬官
也戒令卽所謂舍故而諱新之屬振木鐸從寢門至庫門
也寢門之內新君所處庫門之內廟所在也王注木鐸鈴
也以木爲舌故謂五廟毀者正義庫門魯之外門也魯三
門故至庫門若天子五門則至臯門江氏永曰諸侯三門
庫雉路○

鐸大各反

二名不偏諱夫子之母名徵在言在不稱徵言徵不稱在

注稱舉也雜記曰妻之諱不舉諸其側方性夫曰夫子曰
不在顯與此言在不稱徵也把不足徵此言徵不稱在也

軍有憂則素服哭於庫門之外

注憂謂為敵所敗也素服者縞冠也江氏永曰庫門

之外則赴車不載藁藪

注兵不載示當報也以告喪之辭言之謂還告於國藁甲衣藪弓衣

○藁音羔
藪救亮反

有焚其先人之室則三日哭

注謂火燒其宗廟哭者哀精神之有虧傷

故曰新

宮火亦三日哭

注火人火也新宮火在魯成三年春秋成三年經甲子新宮災三日哭公羊傳新宮

者何宣公之宮也宜宮則曷為謂之新宮不忍言也其言三日哭何廟災三日哭禮也新宮災何以書記災也

孔子過泰山側有婦人哭於墓者而哀夫子式而聽之

注怪

其哀甚使子路問之

錢氏大昕曰唐石經及相臺岳氏本作子貢

曰子之哭也壹

似重有憂者而曰然昔者吾舅死於虎吾夫又死焉今吾

子又死焉

注而猶乃也
夫之父曰舅

夫子曰何爲不去也曰無苛政

一切

經音義引說文苛尤劇也亦煩擾也尅急也王氏引之曰政讀曰征謂賦稅及繇役也誅求無已則曰苛征古字政與征通

夫子曰小子識之苛政猛於虎也

○重直用
反苛音何

魯人有周豐也者哀公執摯請見之

注下賢也摯禽摯也諸侯而用禽摯降尊

就卑之義荀子堯問篇楊倞注禮見其所尊敬者雖君亦執摯故哀公執摯請見周豐

而曰不可

注

君以尊見卑士禮先生異爵者請見之則辭

公曰我其已夫

注已止也
重強變賢

使人問

焉曰有虞氏未施信於民而民信之夏后氏未施敬於民

而民敬之何施而得斯於民也

注時公與三桓始有惡懼將不安

對曰墟

墓之間未施哀於民而民哀社稷宗廟之中未施敬於民

而民敬

注言民見悲哀之處則悲哀見莊敬之處則莊敬非必有使之者彬謂墟邱也與虛同此言過墓生

哀入廟生敬適人心之自然感物而發情動於中未有知其所由來者也鄭注墟毀滅無後之地失之殷人

作誓而民始畔周人作會而民始疑

注會謂盟也盟誓所以結衆以信其後外

恃衆而信不由中則民畔疑之孔子曰其身正不令而行其身不正雖令不從苟無禮義忠信誠

慤之心以涖之雖固結之民其不解乎

注涖臨說文慤謹也正義周豐之意

以虞之與夏由行敬信於民民見其敬信民自學之不須設言號令若身之不行言亦無益苟誠也人君之身誠無

禮義忠信誠實質慤之心以臨化之雖以言辭誓令堅固結之民其不解散離貳乎擊音志夫音扶解佳買反

喪不慮居

注謂賣宅舍以奉喪

毀不危身

注謂憔悴將滅性

喪不慮居爲無

廟也毀不危身爲無後也

劉氏曰喪禮稱家之有無不可勉爲厚葬致有敗家之慮家廢

則宗廟不能以獨存矣此與毀
不危身皆所以防賢者之過

延陵季子適齊於其反也其長子死葬於贏博之間

注季子名

札魯昭二十七年吳公子札聘於上國是也季子讓國居延陵因號焉春秋傳謂延陵延州來贏博齊地今泰山縣

是也孔子曰延陵季子吳之習於禮者也往而觀其葬焉

也其坎深不至於泉

注以生

其斂以時服

注以行時之

既

葬而封廣輪揜坎其高可隱也

注亦節也輪從也隱據也封可手據謂高四尺所

既封左袒右還其封且號者三曰骨肉歸復於土命也若

魂氣則無不之也無不之也而遂行

注還圍也號哭且言也命猶性也行去也

正義鄭注覲禮云凡以禮事者左袒若請罪待刑則右袒江氏永曰古者吉凶皆左袒士喪禮合章主人左袒有明

文吳幼清曰右還其封且號者三八字爲一孔子曰延陵
句是記圍繞之匝數非記其號哭之聲數也

季子之於禮也其合矣乎

○贏音盈揜本又作掩魚檢反號戶高反

邾婁考公之喪

注考公隱公益之曾孫考或爲定

徐君使容居來弔含

注

且曰寡君使容居坐含進侯玉其使容居以含

注欲親含非也含不

使賤者君行則親含大夫歸含耳言侯玉者時徐僭稱王自比天子正義凡實行含禮未斂之前以玉實口士則主人親含大夫以上卽使人含若旣斂已後至殯葬其有含者親自致璧於柩及殯上者謂之親含若但致命以璧授主人主人受之謂之不親含有司曰諸侯之來辱敝邑者易則易于則

于易于雜者未之有也

注易謂臣禮于謂君禮雜者容居以臣欲行君禮徐自比天子使大

夫敵諸侯有司拒之

容居對曰容居聞之事君不敢忘其君亦不敢

遺其祖昔我先君駒王西討濟於河無所不用斯言也容

居魯人也不敢忌其祖

注言我祖與今君於諸侯初如昆不聞義則服駒王徐先君僭號容

居其子孫也濟渡也言西討渡於河廣大其國魯魯鈍也言魯鈍者欲自明不妄○婁力俱反含胡闡反易以豉反

子思之母死於衛

注嫁母也姓庶氏

赴於子思子思哭於廟門人

至曰庶氏之母死何爲哭於孔氏之廟乎

注門人弟子也嫁母與廟絕族

子思曰吾過矣吾過矣遂哭於他室

天子崩三日祝先服

注祝佐合殮先病

五日官長服

注官長大夫士正義案喪

大記君之喪三日子夫人杖五日既殯授大夫世婦杖又喪服四制云三日授子杖五日授大夫杖七日授士杖崔氏云此據朝廷之士四制是邑宰之士也

七日國中男女服

注庶人

三月天下服

注諸侯之大夫

虞人致百祀之木可以爲棺椁者斬之不至者廢

其祀勿其人

注虞人掌山澤之官百祀畿內百縣之祀也以爲棺椁作棺椁也斬伐也正義百祀者干

畿內諸臣采地之祀也言百者舉其全數也必取祀木者賀瑒云君者德著幽顯若存則人神均其慶歿則靈祇等其哀傷也吳幼清曰廢其祀勿其人蓋設此辭而令之以見王喪尤重於神祀也如誓師而曰無敢不供汝則有大刑是也非果必廢之勿之也○勿勿粉反

齊大饑黔敖爲食於路以待餓者而食之有餓者蒙袂輯

屨貿貿然來

注蒙袂不欲見人也輯斂也斂屨力憊不能履也貿貿目不明之貌

黔敖左捧

食右執飲曰嗟來食揚其目而視之曰子唯不食嗟來之

食以至於斯也

注嗟來食雖閔而呼之非敬辭

從而謝焉終不食而死

注從

猶就也

曾子聞之曰微與其嗟也可去其謝也可食

注微猶無也無

與止其狂狷之辭彬謂微小也言饑者所見者小也○黔其廉反食音嗣秋彌世反輯側立反質徐亡救反又音茂

采芳勇反與音餘

邾婁定公之時有弑其父者

注定公纓且也魯文十四年卽位

有司以告

公瞿然失席曰是寡人之罪也

注民之無禮教之罪

曰寡人嘗學斷

斯獄矣臣弑君凡在官者殺無赦子弑父凡在官者殺無

赦注言諸臣子孫無尊卑皆得殺之其罪無赦

殺其人壞其室洿其宮而豬焉

注明其大逆不欲人復處之豬都也南方謂都爲豬正義案孔注尚書曰都謂所聚也此云汚其宮而豬焉謂掘洿其宮使水聚積焉

蓋君踰月而后舉爵

注自貶損○裴音怪洿音烏豬音誅

晉獻文子成室晉大夫發焉

注文子趙武也諸大夫亦發禮以往正義張老亦往慶之

一大夫也胡邦衡曰謂晉君賀其成室恐非也恐趙武諡獻文爾

張老曰美哉輪焉美哉

奘焉

注心謙其奢也輪輪困言高大奘言衆多正義春秋外傳曰趙文子爲室斲其椽而馨之張老諫之是也

王云奘言其文章之貌也王氏引之曰王說爲長奘古煥字大雅卷阿篇伴奘爾游矣毛傳伴奘廣大有文章也論語泰伯篇煥乎其有文章何注煥明也

歌於斯哭於斯聚國族於斯

注祭祀死喪燕

會於此足矣言此者欲防其後復爲江氏永曰生則歌死則哭大槩言之耳文子成寢室非祭祀之所而注疏以祭祀則樂釋

文子曰武也得歌於斯哭於斯聚國族於斯是

全要領以從先大夫於九京也北面再拜稽首

注全要領者免於刑

誅也晉卿大夫之墓地在九原京蓋字之誤當爲原正義領頸也古者罪重要斬罪輕頸刑也先大夫謂文子父祖

以其世爲大夫故稱君子謂之善頌善禱注善頌謂張老

父祖爲先大夫也了之言禱求也正義頌者美盛德之形容禱者求福以

自輔也○奠音喚本亦作煥京依注音原禱丁老反

仲尼之畜狗死注畜狗使子貢埋之曰吾聞之也做帷不

弃爲埋馬也做蓋不弃爲埋狗也某也貧無蓋於其封也

亦子之席毋使其首陷焉注封當爲窆路馬死埋之以帷

注路馬君所乘者其他狗馬不能以帷蓋

季孫之母死哀公弔焉曾子與子貢弔焉闈人爲君在弗

內也注闈人曾子與子貢入於其廡而修容焉注更莊飾

舍也周禮曰馬有二百說文廡馬子貢先入闈人曰鄉者已告矣注

十六匹爲廡廡有僕夫既

不敢止以
言下之

曾子後人闢人辟之

注見兩賢相隨彌益恭也

涉內雷卿大

夫皆辟位公降一等而揖之君子言之曰盡飾之道斯其

行者遠矣

正義案喪大記君臨大夫之喪君卽位於序端卿大夫卽位於堂廉楹西北而東上是辟位者

蓋少西遙巡而東面不當北面然君在大夫得私爲二子辟位者或公始入升堂之後卿大夫猶庭中北面辟中庭之位少近東耳劉氏曰二子弔卿母之喪必自盡禮以造門不當待闈者拒而後修容盡飾也且闈人旣辭退可也何必以威儀棟動之以求入邪其入而君卿大夫敬之者以平日知其賢也非創見容飾之美而加敬也君子之言是二子之德行不足以行遠而惟區區之飾乃足以行遠邪江氏永曰此章記者之失劉氏論之詳矣愚謂不唯修容盡飾之說可疑卽君在而二子弔豈不能俟君出而後入乎大夫之廢不當於寢門之外二子卽欲修容何至入於廢乎○內音納廢久又反鄉許亮反雷力又反

陽門之介夫死

注陽門宋國門名介夫甲衛士王氏念孫曰昭二十一年左傳公自陽門見之杜注

雖陽正東門名揚門卽此陽門也水

經雖水注亦作陽門揚陽古字通司城子罕入而哭之

哀

注宋以武公諱司空爲司城子罕戴公子樂甫衛之後樂喜也正義案世本戴公生樂甫衛衛生石甫願釋

生夷甫傾傾生東鄉克克生西鄉士曹曹生子罕喜是子罕爲術之五世孫也晉人之覘宋者反

報於晉侯曰陽門之介夫死而子罕哭之哀而民說殆不

可伐也

注覘闕視也正義言介夫匹庶之賤人而子罕是國之卿相以貴哭賤感動民心皆喜悅與上共同

死生若有人伐民必致死故云殆不可伐也殆近也孔子聞之曰善哉覘國乎

注善其知

微詩云凡民有喪扶服救之

注救猶助也

雖微晉而已天下其

孰能當之

注微猶非也劉氏台拱曰諸解俱未安於文當日雖欲伐者不獨晉而已天下其孰能當之老

乎○罕吁旱反規

救廉反當丁郎反

魯莊公之喪既葬而經不入庫門

注時子般弑慶父作亂閔公不敢居喪葬已吉

服而反正君臣欲以防過之微弱之至正義魯三門庫雉路庫門最在外以從外來故經不入庫門經不入衰亦不入可也士大夫既卒哭麻不入
注麻猶經也羣臣畢虞卒哭亦除喪也閔公既吉服不與虞卒哭正義案喪服注卿大夫既虞士卒哭而受服則既虞服葛此卒哭之麻不入者皇氏云時禍亂迫蹙君既服吉服故士大夫既虞不服受服至卒哭總除

孔子之故人曰原壤其母死夫子助之沐椁

注沐治也

原壤登

木曰久矣予之不託於音也

注木椁材也託寄也謂叩木以作音

歌曰狸首

之斑然執女手之卷然

劉氏曰如狸首之斑言木文之華也卷與拳同如執女手之拳言沐

梓之滑賦也

夫子爲弗聞也者而過之

注伴不知

從者曰子未可以

已乎

注已猶止也

夫子曰臣聞之親者毋失其爲親也故者毋

失其爲故也

正義原壤是夫子故舊爲日已久或平生舊交或親屬恩好苟無大惡不可輒離○壤如

丈反狸力知反女如字卷音權本又作拳從才用反

趙文子與叔譽觀乎九原

注叔譽叔向也晉羊舌大夫之孫名肸正義案韓詩外傳趙文

子與叔向觀於九原案左氏羊舌是邑名晉大夫公族爲羊舌大夫也故閔二年左傳云羊舌大夫爲尉羊舌大夫生羊舌職職生叔向是羊舌大夫之孫也文子曰死者如可作也吾誰與歸注作

起叔譽曰其陽處父乎

注陽處父晉襄公之太傅

文子曰行并植於晉

國不沒其身其知不足稱也

注并猶專也謂剛而專己爲狐射姑所殺沒終也植或爲

特吳幼清曰并植國語作廉直疑并蓋廉字闕損植蓋直字增多也王氏念孫曰吳說是矣而未盡也廉與并形聲不相近廉字無緣誤爲并蓋廉字古通作兼兼并字相近因誤而爲并直植亦古字通注內剛字正釋直字其

鼻犯乎文子曰見利不顧其君其仁不足稱也

注謂久與文公辟難

至將反國無安君之心及河我則隨武子乎利其君不忘授壁詐請以要君以利是也

其身謀其身不遺其友

注武子士會也食邑於隨范字季

晉人謂文子知

人注見其所善於前則知其來所舉

文子其中退然如不勝衣其言呐呐

然如不出諸其口

注中身也退柔和貌呐呐舒小貌說文內言之訥也訥言難也王氏引之日退

之言墮也繫辭夫坤墮然示人簡矣馬融韓康伯並云墮柔貌孟喜作退柔貌之退與退讓之退殊義正義解爲卑退矣

所舉於晉國管庫之士七十有餘家

注管庫之士府史以下官長所

置也舉之於君以爲大夫士也管鍵也庫物所藏王氏引
之曰管鍵所以啟閉庫也然謂之啟庫閉庫則可謂之管
庫則文不成義且守庫者職司出納不獨啟閉已
也今案管者典也主也管庫之士謂主此庫者耳生不交

利也

注廉死不屬其子焉

注絮也正義凡人利君者多性行偏特不顧其身凡人謀身多獨善

於己遺棄故舊武子德行宏廣外內周備故襄二十七年
左傳論范武子之德云夫子之家事治言於晉國無隱情
無隱情則利君也家事治則不忌其身○譽音預行下孟
反植直吏反知音智勝音升响如悅反徐奴劣反屬音燭

叔仲皮學子柳

注叔仲皮魯叔孫之族學教也子柳仲皮之子正義案世本桓公生僖叔牙叔牙生

武仲休休生惠伯彭彭生皮叔仲皮死其妻魯人也衣衰

爲叔仲氏故云叔孫氏之族

而繆經注衣當爲齋壤字也繆讀爲不繆垂之繆士妻爲舅姑之服也言雖魯鈍其於禮勝學說文糾繩三

也合叔仲衍以告

注告子柳言此非也衍蓋皮之弟衍或爲皮

請纒衰而環經注

衰小功之纓而四升半之衰環經弔服之經時婦人好輕細而多服此者衍既不知禮之本子柳亦以爲然而請於衍使其妻爲舅服之釋名環經末無餘散麻圓如環也 曰昔者吾喪姑姊妹亦如斯

末吾禁也

注衍答子柳也姑姊妹在室齊衰與婦爲舅姑同末無也言無禁我欲其言行退使其

妻纒衰而環經

注婦以諸侯之大夫爲天子之衰弔服之經服其舅非○學戶教反衣依注作齊音

脊繆依注讀曰繆音居蚪反纒音歲衰七雷反

成人有其兄死而不爲衰者聞子臯將爲成宰遂爲衰成

人曰蠶則績而蠶有匡范則冠而蟬有綏兄則死而子臯

爲之衰

注蚩兄死者言其衰之不爲兄死如蠶有匡蟬有綏不爲蠶之績范之冠也范蜂也蟬蜩也綏謂蜩

喙長在腹下正義蠶則須匡以貯繭蠶背有匡匡自著蠶非爲蠶設蜂冠無綏而蟬口有綏綏自著蟬非爲蜂設蟬

如成人兒死初不作衰後畏子臯方爲制服服是子臯爲之非爲兄施亦如蟹匡蟬綏各不關於蟹蜂也王氏引之日爲猶使也言蟹則績而蟹爲之匡以貯繭范則冠而蟬爲之綏以飾冠兄則死而子臯使之衰以盡禮皆由他物他人助而成之非其所自爲也○
蟹七南反蟹戶買反綏耳佳反

樂正子春之母死五日而不食曰吾悔之

注勉強過禮子春曾子弟子

自吾母而不得吾情吾惡乎用吾情

注惡乎猶於何也

歲旱穆公召縣子而問然

注然之言焉也凡穆或作穆

曰天久不雨吾

欲暴尫而奚若

注奚若何如也尫者而鄉天觀天哀而雨之尫一切經音義尫弱也通俗文曰短小

曰天則不雨而暴人之疾子虐毋乃不可與

注錙疾人所哀暴

之是然則吾欲暴巫而奚若曰天則不雨而望之愚婦人

於以求之毋乃已疏乎

注已猶甚也巫主接神亦觀天哀而雨之春秋傳說巫曰在女曰巫

在男曰覲周禮女巫旱暵則舞雩

徙市則奚若曰天子崩巷市七日諸侯

薨巷市三日爲之徙市不亦可乎

注徙市者庶人之喪禮今徙市是憂戚於旱若

喪○暴步卜

反尪烏光反

孔子曰衛人之祔也離之

注祔謂合葬也離之有以問其椁中

魯人之祔也

合之善夫

注善夫魯人也祔葬當合也正義穀則異室死則同穴故善魯之祔也○祔音附

禮記訓纂卷四終